



**КӨЛІКТЕР
- КӨНЕНІҢ
КӨЗІ,
МӘСЕЛЕНІҢ
ӨЗІ**

3-бет



**ҚАРЖЫГЕРЛЕРДІ ҚАЗАҚША
СӨЙЛЕТКЕН ФОРУМ**

4-бет



Дархан БУЛЖАНОВ,
Атырау облысы, Қызылқоға
судандық полиция бөлімі
бастығының тәргеу ісі бойынша
орынбасары:

**«МАЛ ҰРЛАП,
БАЙЫҒАН АДАМДЫ
КӨРГЕН ЖОҚПЫН»**

5-бет

ЗАН газеті

№61 (3592) 18 тамыз 2023

zangazet@mail.ru

ZANMEDIA.KZ

Қоғамдық-саяси, құқықтық газет



КЕЙІПКЕР

ТӨТЕНШЕ ЖАҒДАЙ ҚЫЗМЕТКЕРЛЕРІ - БҮГІНГІНІҢ БАТЫРЛАРЫ

Жетісу облысы «Төтенше жағдайлар органдары ардагерлерінің Қазақстандық ұйымы» қоғамдық бірлестігі филиалының төрағасы Нүргелді Байғонысұлы ҚОЙШЫБАЕВ – өз саласының маманы. Төтенше жағдай қызметіне өмірін арнаған ағамыздың салаға қатысты айтары көп екен.

– Отыз жыл бойы төтенше жағдай кезінде тосылған жұртқа көмек қолын созып келесіз. Қауіп-қатер мен аңыз етіп айтар оқыс оқиғаларға толы еңбек жолыңыз қалай басталды?

– Кеңес Одағы кезінде екі жылдық әскери борышты өтеп келген соң, №92 өрт сөндіру бөліміне өрт сөндіруші болып жұмысқа кірдім. Мұндай таңдау жасауыма үлкен ағамның ықпалы болды. Өзіміз отбасында бес ағайындымыз. Бәріміздің мамандық таңдап, азамат ретінде қалыптасуымызға ағамның сіңірген еңбегі ерен. Бұл салаға келгенде, алғашында аға жүргізуші болып қызмет атқардым. Жас маман ретінде бір айға жуық дайындықтан өттік. Бөлім командирлері қандай жағдайда, не істеу керектігін тәптіштеп түсіндіріп, оқу-жаттығу барысында әбден шыңдады. Өйткені ауылдан келдік, көп дүниені білмедік, ұғынбадық. Ары кетсе шөп не сарай өртенгенін көргеніміз болмаса, басқа жағдайларды елестете де алмайтынбыз. Бәріні игергеннен кейін ғана «өз еркіммен жұмыс істеу» құжатымен төтенше жағдайдың сарбазы боп қатарға қосылдық.

– Төтенше жағдай қызметкерлері – бүгінгіңіз батырлары. Осы саланың ардагері ретінде сіздің де талай ерлік істеріңізден хабардар болдық. Жұмыс барысында ерекше есте қалған оқиғалармен бөліссеңіз.

– Әлі есімде... 2001 жыл болатын. Кезекті өрт сөндіруге шыққанбыз. Жеке тұрғын үйдің ауласында заңсыз салынған азық-түлік цехы қызыл жалынға ораныпты. Қою көк түтіннен ештеңе көрінер емес. Сол жерде жиналған бір топ адам ғимарат ішінде жұмысшылардың қалып қоюы мүмкін екендігін айтты. Қасымдағы әріптестерім өрт сөндіруге кірісіп кетті. Маған жанып жатқан ғимаратқа кіруге өрт арасынан саңылау ашып берді.

(Соңы 2-бетте)

(Соңы 4-бетте)

БҮГІНГІНІҢ БАС ТАҚЫРЫБЫ

ЖУРНАЛИСКЕ ЖАСАЛҒАН ҚЫСЫМНЫҢ АРТЫНДА НЕ ТҰР?



Талдықорғандық журналист, Orda.kz сайтының қызметкері Сандуғаш Дүйсенованың мәлімдемесі қазақ қоғамын дүр сілкіндірді. Онда әріптесіміз өзіне қылмыстық іс қозғалды деп бөлімге шақырған полиция қызметкерлерінің камера алдында шешінуге мәжбүр еткенін жария еткен еді.

Журналист биылғы жылдың 11 тамызы күні кешкі сағат 17.00-де арнайы шақырумен полицияға барып, күтпеген жағдайға тап болыпты.

ЖАНАЙҚАЙ

СУ АЗАБЫН ТАРТҚАН БІЛЕР...

Ел аман, жұрт тынышта ауыз су азабын тартып, кенезесі кепкен Талғар ауданына қарасты Қайнар ауылдық округі Еламан ауылы тұрғындарының мұңы бір басына жетерлік. Өркениет гасырында ғаламдық жетістіктерді былай қойып, күнделікті қолданып ауыз су азабын сыздаса да Жалқамысқа жол тартып, сондағы амбулаторияны жағалауға мәжбүр. Бүкіл ауыл тұрғындарын қарайтын жалғыз фельдшер Дидар Асанованың отыратын тұрақты орны да жоқ. Күн ұзаққа кім шақырады, соған барып, дәрі-дәрмегін арқалап, ауыл ішін жаяу аралайды. Ал ауыл әкімінің орынбасары берген ақпарат бойынша, ауылда 1126 адам ресми тіркелген, 229 отбасы бар. Егер тіркелмегендерді қоссаңыз, бұл көрсеткіш 2 есеге артуы мүмкін. Осынша халқы бар ауылдың мүшкіл халге жетуіне кім кінәлі?

«Мұхит ортасындағы арал»

Сусыз отырған, әсіресе, жаңа құрылыс жағының халқы ауыз суды амалдап, кейбірі үйінің қасынан құдық қаздырып алса, кейбірі «Елде болса, ерінге тиеді» дегендей, суы бар көршісіне күні қарап отыр. Бір айта кетерлігі, ескі су құбырынан алып отырғандардың да,

өздері қаздырып, сорғы арқылы алып отырғандардың да ішіп жүрген сулары санитарлық талаптарға мүлде сай келмейді. Тұрмыстық техниканың жетістіктерін де пайдалана алмайтынын айтқан тұрғындар оның себебін ауылдағы электр қуатының аздығымен түсіндіреді. Тіпті суы бар үйлердің өзі кір жуатын машинамызды қоса алмай, пұшайман боламыз дейді.

Ауыл ішіндегі асфальтталмаған жолдардың ақ шаңы аспанға көтеріліп жатқандықтан, күнделікті кір жуғаннан жалыққандарын айтқан әйелдер қауымы енді сабақ басталса, жуатын кірлерінің де екі есе көбейетініне налиды. Қабақтарына кірбің түсірген жуатын кір емес, оны жуатын судың жоқтығы мен қолындағы бар кір машинасын қосатын токтың жеткіліксіздігі. Оған ауылдың аспанын алып кететін ақ шаңды қосыңыз. Құдды бір өркениеттен ада қалған мұхит арасындағы арал дерсің...

Биылғы 21 шілдеде www.ile-tany.kz сайтында журналист Ақан Ақыловтың «Аудан әкімі Қайнар ауылдық округінің тұрғындарымен кездесті» деген мақаласы жарық көріп, онда: «Еламан ауылының №41 орта мектебінде өткен кездесуде көптеген мәселелер көтеріліп, тұрғындардың сауалдарына нақты жауаптар берілді. Атап айтсақ, округтегі ең көкейкесті мәселелердің бірі – ауылдарды сумен жабдықтау.

2020 жылдан бастап «Еламан ауылының сумен жабдықтау жүйесінің құрылысы» жобасы іске асырылуда. Жобаның сомасы 265,8 млн.теңге. Желілердің ұзындығы – 11 км. Келісімшарт бойынша жұмыстар аяқталған, қазіргі таңда ақауларды қайта қалпына келтіру жұмыстары жасалуда. Алайда мердігер ұйым жұмысты мерзімінде аяқтамады, қазіргі таңда нысан 98 пайызға ғана жасалған. Сол себепті желілерді тексеру және іске қосу жұмыстары осы жылдың маусым айының соңына дейін аяқталады деп күтілуде. Сондай-ақ «Қайнар

ауылының сумен жабдықтау жүйесін қайта құру және салу» жобасының сметалық құжаттарын әзірлеу бойынша жұмыстар жүргізілуде. Жобалаушы ұйым – «Геодезия Сервис» ЖШС. Шарт сомасы – 4,3 млн. теңге. ЖСҚ аяқталып, қазіргі таңда су жинау торабына арналған жер телімі ресімделіп жатыр және «Redline Pro» жобалаушы ұйым тарапынан «Жаңалық және Дәулет ауылдарында сумен жабдықтау жүйесін қайта жаңарту және салу» жобасы жасалуда. Жаңалық ауылы үшін жобалау құны 45,3 млн. теңгені, Дәулет ауылы үшін 20,6 млн. теңгені құрап отыр», – деген ақпарат айтылған.

Осыған орай ауыл белсендісі әрі осы ауылдың молдасы Өміржан Тоғайбайұлы сөзге тарттық. Төрт жылдан бері Еламанда тұратынын айтқан ол: «Аудан әкімі келіп кетті. Жүйеге негізі су берілген. Бірақ кейбір жерлерінен ақау шыққан. Кейбір жерлеріне керекті қранды қоймаған, кейбір жерлерінен су атып кетті. Енді соны жөндеп жатыр. Су құбыры жаңа құрылысы бар, ескісі бар – бәріне тартылып қойған. Мердігер компания ұшты-күйлі жоқ боп кетті. Әкімдік оларды сотқа берді деген, бірақ әлі анық хабары да, шешімі де жоқ. Ескі су құбыры 50 үйге ғана есептелгенмен, 100-ге тарта үй содан су алып отыр. Ал жаңа құрылыс жағы тасып ішіп отыр ма, қазып шығарып алып жатыр ма, әйтеуір, өлместің күнін көріп келеді. Жел соққан күндері жарық та өшіп, мүлде сусыз қаламыз. Судың жоқтығынан мал да ұстай алмаймыз.

(Соңы 8-бетте)

